

ԴՐԱՄԱՇՆՈՐՀԱՅԻՆ ՀԱՇՎԵՏՎՈՒԹՅՈՒՆ N 2

1. Ընդհանուր տեղեկատվություն

Միջոցառման անվանում	«Տարեց և (կամ) հաշմանդամություն ունեցող անձանց տնային պայմաններում խնամքի ծառայություններ»
Դրամաշնորհի N	Լոտ 19. Շիրակ 2
Դրամաշնորհատու կազմակերպություն	ՀՀ աշխատանքի և սոցիալական հարցերի նախարարություն
Դրամաշնորհառու կազմակերպություն	«Առաքելություն Հայաստան» բարեգործական հասարակական կազմակերպություն
Միջոցառման իրականացման ժամանակահատված	01.01.2026-31.12.2026թթ.
Հաշվետու ժամանակահատված	01.04.2026 -30.06.2026թթ.
Ներկայացման օր	03.07.2026թ.
Հաշվետվության պատասխանատու (անուն, ազգանուն, պաշտոն)	Սիրանուշ Սողոմոնյան Թիմ լիդեր

2. Բովանդակային հաշվետվություն

2.1. Խնդրում ենք թվարկել աշխատանքային պլանով և պայմանագրի թիվ 1 և թիվ 7 հավելվածներով սահմանված միջոցառումների (այսուհետ՝ միջոցառում) շրջանակում կատարման ենթակա գործողությունները հաշվետու ժամանակահատվածի համար:

Հաշվետու ժամանակահատվածի համար կատարման ենթակա գործողություններն են.

- սոցիալ- հոգեբանական և խորհրդատվական աջակցության տրամադրում,
- կենցաղային սպասարկում և խնամք,
- բժշկական օգնության կազմակերպում:

2.2. Խնդրում ենք նկարագրել միջոցառման առաջընթացն՝ ըստ սահմանված աշխատանքային պլանի (Գանտի աղյուսակ) և միջոցառումների, նշելով՝ Ձեր կողմից իրականացված գործողությունները և ստացված արդյունքները հաշվետու ժամանակահատվածի համար: Որքանով են նշված գործողությունները նպաստել տվյալ միջոցառման խնդիրների/նպատակի իրականացմանը:

- **Սոցիալ- հոգեբանական և խորհրդատվական աջակցության** տրամադրման շրջանակներում սոցիալական աշխատողի կողմից իրականացված տնայցերի միջոցով աջակցություն է տրամադրվել 76 շահառուի Շիրակի մարզի Գյումրի և Արթիկ համայնքներում: Սոցիալական աշխատողի կողմից իրականացվել է կարիքի գնահատում և վերագնահատում, որի արդյունքում կատարվել է 18 դեպքի վարում (վերափաստագրման գործընթացի կազմակերպում ՄՍԾՏԿ-ում, անվճար բուժիետազոտության անցկացման կազմակերպում, նոր անձնագրի եւ սոցիալական քարտի ձեռքբերման գործընթացի կազմակերպում, անվճար դեղորայքի ստացման շարունակականության կազմակերպում, տվյալ ամսվա նպաստի կանխիկ ստացման կազմակերպում):

Խորհրդատվական աջակցության շրջանակներում շահառուներին շարունակական տեղեկատվություն է տրամադրվել իրենց իրավունքների վերաբերյալ, անհրաժեշտության դեպքում իրականացվել է շահերի պաշտպանություն:

Ազատ ժամանցի կազմակերպման շրջանակներում կազմակերպվել է թվով 4 միջոցառում (մասնակիցների թիվ 14)՝ Սուրբ Զատիկ, շահառուի ծննդյան օրվա նշում, «Անուշ» օպերայի դիտում, Տարեցների նկատմամբ բռնության իրազեկման համաշխարհային օր:

Հաշվետու ժամանակահատվածում հոգեբանական խորհրդատվություն է ստացել թվով 9 շահառու:

- **Կենցաղային սպասարկման և խնամքի ծառայության տրամադրման** շրջանակներում հաշվետու ժամանակահատվածում աջակցություն է տրամադրվել 76 շահառուի: Յուրաքանչյուրին իր գնահատված կարիքից և ինքնասպասարկման կարողությունից ելնելով աջակցություն է տրամադրվել բնակարանի մաքրության և անձնական հիգիենայի պահպանման հարցում, գնումների, կոմունալ վարձավճարների իրականացման, սննդի կազմակերպման, բարեգործական ճաշարանից կերակրի տուն բերման, անհրաժեշտության դեպքում՝ կերակրման հարցում: Անհրաժեշտության դեպքում իրականացվել է ուղեկցում՝ գնումների, զբոսանքի կամ շահառուի կարիքի բավարարման նպատակով համապատասխանաբար այլ վայր:

- **Բժշկական օգնության տրամադրման** շրջանակներում տունայց է իրականացվել 76 շահառուի՝ ուղղված շահառուների առողջական վիճակի վերահսկմանը, տանը առկա դեղորայքի պիտանելիության ժամկետի ստուգմանը: Հաշվետու ժամանակահատվածում անվճար դեղորայքի իրավունք և տեղաշարժման սահմանափակում ունեցող թվով 20 շահառուի համար պետական պատվերի շրջանակներում տարբեր պոլիկլինիկաներից և բժշկական կենտրոններից ձեռք է բերվել անվճար դեղորայք: 5 շահառու ուղեկցվել է բժշկական տարբեր հաստատություններ՝ հետազոտման, ախտորոշման, բուժման նպատակով: 2 շահառուի համար կատարվել է գլյուկոմետրիա, 2 շահառուի համար կատարվել է միջմկանային ներարկում (շարունակական), 2 շահառուի համար կատարվել է ներերակային ներարկում: Թվով 13 շահառուի համար կատարվել են դեղորայքային գնումներ:

Խնդրում ենք նշել հաշվետու ժամանակահատվածում մշակված նյութերի համացանցում տեղադրված հղումները՝ առկայության դեպքում (օրենսդրական առաջարկություններ, համառոտագրեր, հաշվետվություններ, մեդիա պրոդուկտներ և այլն)

Հաշվետու ժամանակահատվածում համացանցում տեղադրվել են հետևյալ նյութերը.

- «Սուրբ Զատիկ» միջոցառում (տե՛ս հետևյալ հղումով՝ <https://surl.li/zmdypb>),
- Մշակութային միջոցառում՝ «Անուշ» օպերայի դիտում (տե՛ս հետևյալ հղումով՝ <https://surl.li/thqjly>):

2.3. Խնդրում ենք ներկայացնել հաշվետու ժամանակահատվածում քաղած դասերը և/կամ ծագած խնդիրները, որոնք խոչընդոտել են միջոցառման գործողությունների իրականացմանը:

Հաշվետու ժամանակահատվածում ծրագրի գործողությունների իրականացմանը խոչընդոտող խնդիրներ չեն առաջացել:

2.4. Խնդրում ենք թվարկել հաջորդ հաշվետու ժամանակահատվածի համար նախատեսված գործողությունները (կցելով նաև շահառուների ցուցակը):

Հաջորդ հաշվետու ժամանակահատվածի համար նախատեսված են հետևյալ գործողությունները.

- սոցիալ- հոգեբանական և խորհրդատվական աջակցության տրամադրում,
- կենցաղային սպասարկում և խնամք,
- բժշկական օգնության կազմակերպում:

2.5. Խնդրում ենք նշել, Ձեր կողմից իրականացված այն գործողությունները, որոնք նախատեսված չեն եղել միջոցառման աշխատանքային պլանով, բայց իրականացվել են միջոցառման նպատակին հասնելու համար:

Հաշվետու ժամանակահատվածում աշխատակազմի կարողությունների ու գիտելիքների շարունակական զարգացումն ապահովելու համար սոցիալական աշխատողները մասնակցել են.

- ✓ Հոգեբույժ Գ. Փաշիկյանի վարած՝ «Հոգեկան առողջություն» թեմայով առցանց հանդիպմանը:
- ✓ «Առաքելություն Հայաստան» ԲՀԿ կենտրոնական գրասենյակի կողմից կազմակերպված «Շահառուի աջակցության փաստաթղթավորում» թեմայով հանդիպմանը, որի ընթացքում քննարկվել են ձևաթղթերի ու հարցաթերթերի կիրառելիությունը և այդ մասով անհրաժեշտ հմտությունները:
- ✓ «Փախստականների և ընդունող համայնքների հզորացում աշխատաշուկայում, մրցունակության բարձրացում և ակտիվ աջակցություն կայուն ինտեգրման համար» ծրագրի շրջանակներում Գյումրիում անցկացված «Սեռական շահագործման, բռնության, հետապնդման կանխարգելում և վարքագծի կանոնագիրք» թեմայով դասընթացին:

ԵՌԱՄՍՅԱԿԱՅԻՆ ՀԱՇՎԵՏՎՈՒԹՅՈՒՆ

«Առաքելություն Հայաստան» բարեգործական հասարակական կազմակերպության տնային
պայմաններում խնամքի մատուցված ծառայությունների վերաբերյալ

h/h	Մատուցվող ծառայության անվանումը	Ծառայություն ստացած անձանց թիվը
1.	հաշվետու ժամանակահատվածի՝ սկզբում/վերջում շահառուների թվաքանակը	76/74
1.1	այդ թվում՝ կին	67
1.2	այդ թվում՝ հաշմանդամություն ունեցող անձինք՝ 18-65 տարեկան	9
1.2.1	այդ թվում՝ կին	8
1.2.2	18-40 տարեկան	1
1.2.3	40-65 տարեկան	8
1.3	65 տարեկանից բարձր	65
2.	Ըստ գնահատված կարիքի՝ դասակարգված խմբերում ընդգրկված շահառուների թվաքանակը (Ա/Բ). նշել յուրաքանչյուր խմբում ընդգրկվածների թիվը	Ա – 17 Բ – 57
3.	կենցաղային սպասարկում.	76
4.	բժշկական օգնություն և սպասարկում.	76
5.	սոցիալ-հոգեբանական օգնություն	76
5.1	այդ թվում՝ մշակութային բնույթի ծառայությունների և միջոցառումների կազմակերպում	14
6.	խորհրդատվական օգնություն	27
7.	այլ ծառայություն (նշել) հոգեբանական խորհրդատվություն	9

Կազմակերպության ղեկավար

Ե. Մխիթարյան
(ստորագրություն, անուն, ազգանուն)

«03» 07. 2026թ